

Extradicion: Yiunan di tera mas cu 7 luna caba den exterior sin caso den corte

ORANJESTAD (AAN) Pueblo di Aruba a reacciona riba e transmision di Jan Poets for di Puerto Rico durante fin di siman, caminda cu Alex Mansur Junior via telefoon a papia cu diferente hende cu tabata yama TOP FM.

Alex y Eric Mansur a ser extradita pa Puerto Rico relaciona cu un caso cu autoridadnan Mericano tin pendiente contra nan y pa cual Merca a haci peticion pa nan extradicion aña pasa.

Extradicion di Eric, Alex y tambe Randy-tabata un momento scur den historia di pais Aruba y tabata un muestra di entreguismo di marca mayor di e gobierno di Henny Eman.

Cu tur aparato hudicial cu tin den Reino y na Aruba mes, no tabata posibel pa e caso di Randy, Alex y Eric por a tuma lugar aki mes y gobierno di Aruba cu a grita publicamente cu ningun heade por worde extradita si no tin garantia, a gaña pueblo na un

forma mahos.

Pa mas cu 7 luna caba primonan Mansur y tambe señor Randy Habibe ta wardando riba nan caso y manera cu cos ta pinta, pa fin di otro aña kizas e prome caso contra primonan Mansur lo por tuma lugar na Puerto Rico, mientras cu riba e caso di Randy Habibe no tin ningun informacion.

Kico tabata e motibo pa extradita cueste loke cueste e primonan Mansur cu tanto pura asina?

Esaki tabata pregunta cu pueblo tabata haci den fin di siman ora cu pueblo a haya di tende cu no tin bista ainda riba ki dia e caso di Eric y Alex lo tuma lugar na Puerto Rico.

Gobierno di Aruba representa den casonan di extradicion door di Henny y Watty

no a muestra cara ora cu extradicion tabata yegando su punto culminante y nan a prefera di sconde tras di cortina y te awe nan no por a enfrenta pueblo y duna cuenta.

Cu e mesun determinacion cu Henny a declara cu tur cos cu su gobierno a haci riba tereno di extradicion tabata den e marco di combatimento di criminalidad internacional, cu e mesun determinacion e mes ta duna su mes e mocion di desconfianza pa cu su gobierno cu no tabata capaz pa laga yiunan di tera ser persigui na Aruba mes.

Unda e garantianan cu Henny y Hulanda supuestamente a regla pa Arubianonan cu a worde extradita a keda?

No tabata tin ningun pura di parti di autoridadnan Meri-

cano pa primonan Mansur ser extradita pa Puerto Rico pasobra esaki ta loke a leak na informacion na Puerto Rico ora cu e Mansurnan den pura cu hopi muestra di poder di parti di Ministerio Publico Hulandes a ser ranca di Aruba cu avion special di autoridadnan Mericano.

Na Puerto Rico autoridadnan Mericano a duna di conoce cu primonan Mansur por a subi avion regular y bay Puerto Rico y no tabata tin mester di tanto fanfarea di poder.

Loke gobierno di Aruba encabeza pa Henny Eman no a bisa e pueblo di Aruba ta cu Hulanda a pone presion pa laga Ministerio Publico di Aruba saca e Mansurnan y tambe Randy Habibe lo mas pronto posibel pa logra e prome extradicionnan.

Atencion D.O.W.: Mester drecha bushalte riba Emanstraat



ORANJESTAD (AAN) -- Lo ta bon si D.O.W por tira un bista riba e bushalte situa na Emanstraat banda di e estacionamento cu por mira den potret. For di tempo cu tabata tin cobamento di caminda e base di e bushalte a los un poco y awor aki por mira cu door di un tiki biento e ta cu-

minza move cu peligro di cay y herida hende. Semper por mira pasaheronan ta warda bus di San Nicolas eybanda cada ora, y algun tin e tendencia di stet nan curpa riba e palo cu peligro di haci su mes daño of na otro hende.

LANDSCAPING UNLIMITED

Fantastic Gardens

Ta busca pa drenta den servicio

UN MECANICO

Exigencia: * Minimo MTS * Mester ta Arubiano y reponsabel

* Edad 25-45 aña

* Ervaring min. 3 aña cu diesel (heavy Equipment)

* Rijbewijs ta un plus

* Por traha cu Hydraulic y cu motor chiquito

Interesadonan por pasa personalmente pa yena un aplicacion durante ornan di oficina na Tomenstraat #16, Dakota. Favor di trese un potret. Sin persimo no por aplica.

The Finest Of Modern Art Painting

Scenery, Marina, Landscaping, Nature, The Caribbean and International Flora & Fauna Landmarks-Oil Paintings at it's best as Decoraton for your place of Business.

Be one with Nature in your Home.

For orders Call: 825088 of Fax:824614

ask for Alfredo Pichardo.

e-mail:millennium@setarnet.aw



CANON...INOVACION

STAEDTLER...PERFECCION

3M...FACILIDAD



Canon



STAEDTLER



3M

TUR OBTENIBEL NA



ANTRACO

WHOLESALE

Mas cu 27000 producto

L.G. Smith Blvd. 126 Tel. 823434